



Inatsisartuni ilaasortaq Peter Olsen, Inuit Ataqaqatigiit

§ 37 naapertorlugu apeqqu nr. 167-imut akissut

Brevdato: 14-07-2015
Sags nr. 2015 - 116340
Dok. nr. 2012493

Kangerlussuup Sisimiullu akornanni pisuinnaat aqquernat imaluunniit aqqusineq pillugu apeqqutinnut qujanaq. Taakku tulleriillugit akissuteqarfigissavakka:

Postboks 909
3900 Nuuk

Tlf.: (+299) 34 50 00

Fax: (+299) 32 52 86

E-mail: lsan@nanoq.gl

www.naalakkersuisut.gl

1. Naalakkersuisut Kangerlussuarmiit Sisimiunut aqqusinniornissamik pilersaarusiortunik imaluunniit misissuisunik ilisimasaqarpat?

AKISSUT: Naalakkersuisoqarfiup Qeqqata Kommunia kommunimi sanaartornissamat kissaatit pillugit ingerlaavartumik oqaloqatigaa. Sisimiut Kangerlussuullu akornanni aqquerniornissamat misissueqqissaarnerit misissueqqaarnerillu ilaatigut Assartuussineq pillugu Isumalioqatigiissitap isumaliutissiissutaani, 2011-mi januaarimeersumi, kapitali 6, imm. 7-imi takuneqarsinnaapput.

Pinngortitamut, Avatangiisinut Inatsisinillu Atuutsitsinermut Naalakkersuisoqarfiup ilisimatitsissutigaa:

"Qeqqata Kommuniata atorlut ilaasa avatangiisinut sunniutaannik nalilersuineq aamma avatangiisinik nakkutilliinermut akiliutit pillugit Namminersorlutik Oqartussat nalunaarutaat nr. 5, 27. marts 2013-meersoq naapertorlugu Sisimiut Kangerlussuullu akornanni aqqusinerimik ATV-mik sananissamat nalunaarut 3. juli 2015-imi nassiuppaa. Pinngortitamut Avatangiisinut Inatsisinillu Atuutsitsinermut Naalakkersuisoqarfiup maannarpiaq nalunaarut suli naammassillugu suliarisimangilaa. Taamaattumik maannarpiaq aqqusinerimut ATV-mut ASN-imut nalunaarusiornissaq pisussaaffiunersoq aalajangiiffigineqanngilaq."

Inuussutissarsiornermut, Suliffeqarnermut Niuernermullu Naalakkersuisoqarfik ilisimatitsivoq:

2014-imi Qeqqata Kommunia qanittumik suleqatigalugu nunaqarfinni isorliunerusunilu immikkut ittumik suliniuteqarnermut atatillugu Kangerlussuup umiarsualivianut katillugit 1.280.000 koruunit aamma tassani aqqusinerit 176.000 koruunit atornerqarput. Aningaasat taakku ilaannik Sisimiut Kangerlussuullu akornanni aqquerniornissamat misissueqqissaarnermut atuisoqarsimanersoq ilisimatitsissutigineqanngilaq. Aningaasat taakku ilaatigut Inuussutissarsiornermut, Suliffeqarnermut Niuernermullu Naalakkersuisoqarfimmi nunaqarfinnut suliniuteqarnermut, ilaatigullu Ineqarnermut, Sanaartormermut Attaveqaqatigiinnermullu Naalakkersuisoqarfirmut aningaasaliissutinit akilerneqarput."

2. **Naalakkersuisut nalunnginnerpaat qanoq akeqassagaluarnersoq Kangerlussuarmit Sisimiunut aqqusinniortoqassagaluarpap?**
AKISSUT: Aap, tamanna Qeqqata Kommuniani kommunalbestyrelsip 26. februar 2015-imi nalinginnaasumik ataatsimiinneranut 01/2015-imut imaqarniliami, imm. 07-imi 2016-imut ukiunullu missingersuusiorfiusunut missingersuutitut takussutissiami allaaserineqarpoq.
3. **Naalakkersuisut namminneq pilersaaruteqarnerpat Kangerlussuarmit Sisimiunut aqqusioriortarsinnaaneranik misissuititsinissamik?**
AKISSUT: Naamik, misissueqqissaarnernut pioreersut, ilaatigut Assartuussineq pillugu Isumalioqatigiissitap isumaliutissiissutaanni, 2011-mi januaarimeersumi allaaserineqartut innersuussutigineqarput.
4. **Naalakkersuisut Kangerlussuarmit Sisimiunut aqqusinniortoqassagaluarpap aqqusinniassaqa qanoq akeqassanersoq misissuiffigineqarnikuunersoq ilisimasaqarfigaat?**
AKISSUT: Aap, tamanna Qeqqata Kommuniani kommunalbestyrelsip 26. februar 2015-imi nalinginnaasumik ataatsimiinneranut 01/2015-imut imaqarniliami, imm. 07-imi ukiunullu missingersuusiorfiusunut missingersuutitut takussutissiami allaaserineqarpoq.
5. **Naalakkersuisut ilisimasaqarfiginerpaat Qeqqata Kommunea Kangerlussuarmit Sisimiunut ATV-t aqqutigisinnaasaannik sanaartortitsiniartoq?**
AKISSUT: Aap, tamanna Qeqqata Kommuniani kommunalbestyrelsip 26. februar 2015-imi nalinginnaasumik ataatsimiinneranut 01/2015-imut imaqarniliami, imm. 10-mi allaaserineqarpoq.
6. **Aamma Naalakkersuisut tamanna ilisimagunikku sanaartortitsineq peqataaffiginiarpaat imaluunniit suleqataaffiginiarpaat?**
AKISSUT: Naamik, tamatumunnga ukioq manna ukiulluunniit tullianut aningaasaliissutissanik immikkoortitsivigineqanngilaq.

Inuussutissarsiornermut, Suliffeqarnermut Niuernermullu Naalakkersuisoqarfik ilisimatitsivoq:
”Qeqqata Kommuniata aamma Namminersorlutik Oqartussat akomanni suleqatigiiffiuvoq pitsaasoq tatigeqatigiiffiusorlu, taamaattumillu sanaartugassamut taaneqartumut – Qeqqata Kommuniata aningaasaliiffisassaanut allatulluunniit aningaasaliiffiusussamut – aalajangiunneqarsimasinnaasut apeqqutaatillugit, Namminersorlutik Oqartussat apeqqtutini attuumassutilinni suleqatigineqassaaq.”
7. **Naalakkersuisut Kangerlussuarmit Sisimiunut aqqusinniornissamik talittarfiit atorlugit immakut / tatsikkut aammalu nunakut aqqusinniornerit atorlugit pilersaarusiortunik imaluunniit misissuisunik ilisimasaqarpat?**

AKISSUT: Qeqqata Kommunia Kangerlussuarmi umiarsualivissap nutaap inissisimaffissaanik misissueqqaarnernik suliaqarsimasoq ilisimavara. Misissueqqaarnerit ilaasa kingunerisaannik umiarsualivimmut aqquserniortoqartussaavoq. Uinarsualivimmut aqqusineq Sisimiunut aqquserniassamut tapertaasinnaassaaq.

Neriuppunga matumuuna apeqquutitit akisimassallugit.

Inussiarnersumik inuulluaqqusillunga


Knud Kristiansen